



Strumico magnæ fortitudinis heros à Vandalis Germanis rex constitutus fuit, eo ferè tempore quo Christus homo natus est. Is forti animo Septentrionalis maris accolas bello petijt, atq; magna præda acquisita uictor domum redijt. Itaque Frotho Danorum rex, finitimis regibus sibi fœdere iunctis, hostibus occurrere, atq; illatam suis cladem armis uindicare statuit. Hùc belli apparatus cum Strumico intellexisset, per legatos pacem petijt. Cum autem pacis conditiones iniquiores uiderètur, Strumico quoq; sese ad bellum accinxit. Itaq; per continentem Holsatię exercitus conuenère. Concurritur ibi quantis maximè uiribus po-

uit, atq; diu acre prælium fuit. Volitabat per aliquot horas incerta uictoria, ita ut Mars nùc his, modò illis fauere uideretur. Tandem uerò Strumico à hoste non fortitudine, sed multitudine superatus fuit. Nam is in medio hostium fortiter pugnans, circumuentus & occisus est. Sic Vādalia iterum Danis cessit. hinc factum ut Danorum reges se quoq; Vandalorum principes ab ea uictoria nominent: licet multis retrò seculis Vandalis se in libertatem uindica-
rint, id quod suo loco declarabitur. Alb. Crantz. lib. 1, Vandal, cap. 9.